

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj: 04-011-67198
Sarajevo, 27.08.1998. godine**

ZAPISNIK

**11. sjednice Doma naroda Parlamentarne skupštine Bosne i Hercegovine
održane 22. jula 1998. godine u Zemaljskom muzeju - Sarajevo**

Sjednica je počela sa radom u 11 sati.

Sjednicom je predsjedavao Petar Majić, predsjedavajući Doma naroda Parlamentarne skupštine Bosne i Hercegovine.

Predsjedavajući je konstatirao da sjednici prisustvuje dovoljan broj delegata i da Dom može punovažno odlučivati.

Pored delegata sjednici su prisustvovali i članovi Vijeća ministara i predstavnici Međunarodne zajednice.

Predsjedavajući je obavijestio delegate da je, Kolegij Doma naroda odlučio da za današnju sjednicu predloži slijedeći

Dnevni red:

1. Usvajanje Zapisnika sa 10. sjednice Doma naroda,
2. Prijedlog Zakona o osnovama privatizacije preduzeća i banaka Bosni i Hercegovini,
3. Delegatska pitanja.

Delegat Mirsad Ćeman dao je prijedlog za dopunu dnevnog reda tako da se dnevni red dopuni tačkom 4.: Davanje saglasnosti na sporazume, kako je bilo predloženo u pozivu za sjednicu. Zatim je predsjedavajući stavio na glasanje prijedlog dnevnog reda.

Za sjednicu je usvojen slijedeći

DNEVNI RED:

1. Usvajanje Zapisnika sa 10. sjednice Doma naroda,
2. Prijedlog Zakona o osnovama privatizacije preduzeća i banaka u Bosni i Hercegovini,

3. Delegatska pitanja.

Ad-1 -Usvajanje Zapisnika sa 10. sjednice Doma naroda Parlamentarne skupštine Bosne i Hercegovine

Primjedbu na Zapisnik 10.sjednice Doma naroda imao je delegat Mirsad Ćeman, a odnosi se na 2.tačku dnevnog reda - Prijedlog zakona o pečatu institucija Bosne i Hercegovine.

Delegat Mirsad Ćeman je tražio da se izvrši ispravka Zapisnika u dijelu gdje je insistirao da se član 7. Prijedloga zakona tumači tako da se podrazumijeva da se i na akte Predsjedništva Bosne i Hercegovine stavlja pečat Bosne i Hercegovine, a ne samo na akte članova Predsjedništva Bosne i Hercegovine. Takođe je istako da se sa ovim tumačenjem člana 7. složio i predstavnik OHR-a koji je prisustvovao sjednici.

Zapisnik 10. sjednice Doma naroda Parlamentarne skupštine Bosne i Hercegovine usvojen je jednoglasno.

Ad-2 Prijedlog zakona o osnovama privatizacije preduzeća i banaka u Bosni i Hercegovini

Prijedlog ovog zakona Parlamentarnoj skupštini Bosne i Hercegovine dostavio je Ured visokog predstavnika.

U raspravi su učestvovali Borislav Parovac, Mirsad Ćeman, Salih Kulenović, Avdo Ćampara, Borivoje Sendić i Nikola Grabovac.

Na osnovu rezultata glasanja predsjedavajući je utvrdio da Prijedlog zakona o osnovama privatizacije preduzeća i banaka u Bosni i Hercegovini nije dobio potrebnu većinu glasova i da nije usvojen.

Ad-3 -Delegatska pitanja

1.Delegat Mirsad Ćeman postavio je slijedeće delegatsko pitanje odnosno inicijativu: "Da li Vijeće ministara ili nadležna ministarstva namjeravaju i kada ponuditi Parlamentarnoj skupštini kao poseban zakon,odnosno u drugim propisima krivično pravne odredbe u cilju zaštite onih vrijednosti koje su u nadležnosti države Bosne i Hercegovine. Ukoliko još uvijek Vijeće ministara ne priprema ove akte radi usvajanja, ja ovom prilikom podnosim inicijativu da se ovo pitanje u okviru ministarskog vijeća razmotri i da nam se ponude odgovarajuća rješenja bilo kao poseban zakon ili zakon za oblasti za koju budu donešeni."

2.Delegat Salih Kulenović ovom prilikom je ponovio, već ranije, postavljeno delegatsko pitanje koje se odnosi na rad Komisije za imovinske zahtjeve.Gospodin Kulenović je predožio da Vijeće ministara pa i Parlamentarna skupština,ukoliko je potrebno,pomognu ovoj Komisiji u njenom radu imajući u vidu značaj ove komisije.

Magnetofonski snimak sjednice Doma naroda čini sastavni dio ovog zapisnika. Sjednica je završila sa radom u 12,20 sati.

**PREDSJEDAVAJUĆI
DOMA NARODA
PARLAMENTARNE SKUPŠTINE BiH
Petar Majić, s.r.**